

Мусулмон биродарим

﴿أخي المسلم﴾

[الأوزبكي - Uzbek - Ўзбекча]

Абу Жаъфар Ал-Бухорий

2009 - 1430

islamhouse.com

﴿أخي المسلم﴾

« باللغة الأوزبكية »

أبو جعفر البخاري

2009 - 1430

islamhouse.com

Ислом Нури

Маколалар

Мусулмон биродаримга

тўпловчи: Абу Жафар ал-Бухорий

Мусулмон дўстим, дин асослари, исломнинг шартлари ва исломни бузувчи нарсаларини биласизми?

Исломнинг шартлари:

Барча оламлар роббиси бўлган Аллохга хамдлар ва пайгамбарларнинг сўнггиси бўлмиш пайгамбаримизга, унинг оиласи, асхоблари ва унга киёмат кунига қадар суйиб эргашганларга Аллохнинг салавот ва саломлари бўлсин.

Сўнг... Мусулмон дўстим, Аллох сизга ва бизга раҳм қилсин. Билинг-ки, ҳар бир мусулмон эркак ва аёл билиши фарз бўлган уч нарса бўлиб, улар банданинг ўз роббиси, дини ва пайгамбари Мухаммад саллоллоху алайхи ва салламини танишдир.

Роббимиз: Биз ва барча оламларни ўз неъматин билан тарбия қилган Аллох жалла жалолухудир. У бизнинг маъбудимиз, ундан ўзга (ҳақ) маъбуд йўқдир.

Динимиз: Ислом. Яъни Аллох таъолога тавҳид ва итоат билан ҳамда ширк ва мушриклардан безор бўлиб тоат этишдир.

Пайгамбаримиз: Мухаммад ибн Абдуллох ибн Абдулмуттолиб ибн Хошим. Хошим Курайш қабиласидан, Курайш эса араблардан, араблар эса Исмоил ибн Иброҳим саллоллоху алайҳима ва ала набиййина ва саллам зурриётидандир.

Мухтарам дўстим, диннинг асоси ва пойдевори иккитадир:

Биринчи: Аллох таъолонинг ўзига шериксиз ибодат қилишга буюриш, ибодатга ҳарис бўлиш, Аллох йўлида севиш ва Аллохга ибодат қилишни бутунлай тарк қилган кишиларни кофир ҳисоблаш.

Иккинчи: Аллох таъолога ибодат пайтида шерик қилишдан огохлантириш, ширкка қаттиқ қўл бўлиш, ширкни душман ва ширк амалини қилган кимса (мушрик)ни кофир ҳисоблаш.

Сиз «ла илаха иллаллох»нинг шартларини биласизми?

1- Илм (Билим). Яъни шу калиманинг инкор ва исбот этган нарсаларини билиш маъносида. Яъни калб, тил талаффуз килган нарсаларни билсин. Зеро, бу жумла маъно ва талабларини билмай талаффуз килинса, фойда бермайди. Чунки, калб талаффуз этилган сўзлар далолат килган маъноларни тушунмайди. Бу ўзи билмаган тилда сўзлашган одамнинг мисолига ўхшайди.

Аллох таъоло деди: «Аллохдан ўзга (хак) илох йўк эканини билинг!», (Мухаммад:19) «Факатгина била туриб хакикатга гувоҳ бўлган кишилар...». (Зухруф:86) Яъни улар тиллари билан талаффуз килишган «ла илаха иллаллох» калимасининг маъноларини калблари билан тушунишган. Росулulloх саллоллоху алайхи ва саллам: «Аллохдан ўзга (хак) илох йўк эканини аниқ била туриб вафот этган киши жаннатга киради» дедилар. (имом Муслим ривояти). «Ла илаха иллаллох»нинг маъноси Аллохдан ўзга (хак) маъбуд йўк, демакдир. Ибодат эса Аллох таъоло суйган ва рози бўлган зохирий ва ботиний барча сўз ва амаллардир.

2- Якин. Яъни «ла илаха иллаллох» калимасининг маъноларини шак ва шубхага ўрин кўймайдиган даражада тўла ва катъий тушуниш. Иймонга якингина ёрдам бериши мумкин. Аллох таъоло деди: «Мўминларга ва Аллохнинг элчисига иймон келтирган, (иймонларида) ҳеч шубха килмаган, моллари ва жонлари билан Аллох йўлида жиход килган кишилардир. Ўшаларгина садокатли кимсалардир». (Хужурот:15).

Росулulloх саллоллоху алайхи ва саллам дедилар: «Мен Аллохдан ўзга (хак) илох йўк ва ўзим Аллохнинг элчиси эканимга гувоҳлик бераман. Банда бу икки калима билан уларда ҳеч шубха килмай, Аллохга дуч келса, жаннатга киради». (имом Муслим ривояти).

3- Ихлос. Яъни ширкни бутунлай бекор киладиган (холислик) самимийлик, амални ширк белгиларининг барчасидан солих нийят билан тозалаш. Бу эса «ла илаха иллаллох» калимасининг маъноларидан биридир. Аллох таъоло деди: «билинг-ки, холис дин Аллох учунгинадир. (Зумар:3). Улар Аллохга динни холис килиб, ботил йўлдан ҳак йўлга ўтиб, ибодат килишга буюрилдилар». (Баййина:5). Росулulloх саллоллоху алайхи ва саллам дедилар: «киёмат куни менинг шафоатим билан энг бахтиёр бўлган одам, чин калбдан «ла илаха иллаллох»ни айтган кишидир». (имом Бухорий ривояти).

4- Мухаббат. «Калимаи тоййиба» ва унинг маъноларига мухаббат ҳамда у билан қувониш. Аллох таъоло деди: «одамларнинг баъзилари Аллохдан ўзга (илох) тенгдошларни килиб, уларни Аллохни севгандек севадилар. Мўминларнинг Аллохга бўлган мухаббатлари каттиқрокдир». (Бақара:165). Яъни Аллох таъоло ушбу оятда ўзининг мўмин бандалари Аллохни каттиқ севишларидан хабар берди. Чунки, улар Аллох учун бошқа махлуқларни тенгдош килмайдилар. Банданинг Аллохга бўлган мухаббатининг белгиси Аллохнинг амрларини, ўз хохишларига зид бўлсада, барча амрлар устидан мукаддам кўйиши, Аллох ёмон кўрган нарсаларни ёмон кўриши, Аллох учун дўст ва душман тутиши, Аллохнинг пайгамбари Мухаммад саллоллоху алайхи ва саллам суннатларига эргашишидир. Росулulloх саллоллоху алайхи ва саллам

дедилар: «Уч нарса борки, ким уни топса иймон халоватини тотади: Аллох ва росули бошкалардан кўра сеvimлирок бўлиши, бировни Аллох учун севиши, Аллох саклаганидан сўнг, куфрга кайтишни жаханнамга ташланишни ёктирмагандек, ёктирмаслиги». (Бухорий ва Муслим ривояти).

5- Садокат. Яъни ёлгонни рад этган, мунофикликдан ман килган садокат. Киши бу калималарни тили калбини алдамай, сидкидиллик билан айтиши. Аллох таъоло деди: «Аллох садокатлиларни хам, ёлгончиларни хам билади». (Анкабут:3). «сидкни олиб келган, ва уни тасдиклаганлар, ана ўшалар такводорлардир». (Зумар:33).

Росулуллох саллоллоху алайхи ва саллам дедилар: «хар кимса «Аллохдан ўзга (хар) илох йўк ва Мухаммад унинг бандаси ва элчиси» деб калбидан садокат билан гувоҳлик берса, Аллох таъоло унга жаханнамни харом килди. (Бухорий ва Муслим ривояти).

6- «Ла илаха иллаллох» нинг талабларига бўйинсуниш. Унинг талаблари фарз бўлган амалларни Аллох учун самимий ва Аллох ризоси учун килиш ва унинг зиддини килмаслик. Аллох таъоло деди: «Роббингизга кайтинг ва унга бўйинсунинг». (Зумар:54). «юзини, яхшилик килар экан, Аллох учун бўйинсундирган киши, мустахам арконни махам ушлабди». (Лукмон:22). Яъни «ла илаха иллаллох»ни махам ушлабди. Холбуки, у ибодатни ёлғиз ўзигагина килиб, Аллохга бўйинсуниш демакдир.

Росулуллох саллоллоху алайхи ва саллам: «Сизларнинг бирингиз мен унга фарзанди, ота-онаси ва барча одамлардан кўра сеvimлирок бўлмагунимча, мўмин бўла олмайди» - дедилар. (имом Муслим ривояти). Бу Росулуллох саллоллоху алайхи ва салламга бўйинсуниш ва хакикий мухаббатдир.

7- Кабул килиш. Яъни рад этишга зид бўлган кабул. Зеро, бу «калимайи тоййиба»нинг маъноларини била туриб талаффуз киладиган кишилар хам бор. Бирок, даъват этилса кибр ва таассуб килиб, уни кабул килмайдилар. Аллох таъоло деди: «Уларга «ла илаха иллаллох» деб айтилса, мутакаббирлик килар эдилар». (Софат:35). Аллох таъоло жаханнамдаги кишиларнинг азобланиш сабабларидан бири «Ла илаха иллаллох» деб айтишдан кибр килишлари ва унга даъват этган пайгамбарни ёлгончи килишлари эканидан хабар бермокда. Росулуллох саллоллоху алайхи ва саллам дедилар: «Аллох таъолонинг мен билан бирга юборган илм ва хидоятининг мисоли бир ерга ёлган ёмгининг мисолига ўхшайди. У ернинг баъзи кисмлари унумдор бўлиб, сувни кабул килади ва ўсимлик ва кўп майсаларни ўстиради. Баъзи ерлари каттик бўлиб, сувларни тўплаб олади. Аллох таъоло у сувлар билан одамларга фойда беради: улар ундан ичадилар, (хайвонлари ва экинларини) сугорадилар. Баъзи ерлар эса коя каби текис бўлиб, на сувни ушлаб колади ва на ўсимликларни ўстиради». (имом Бухорий ривояти).

Исломни бузувчи нарсалар

Мусулмон дўстим, Аллох бизга ва сизга билдирсин, билингки, исломни бузувчи нарсалар ўнтадир:

✳ Биринчи: Аллох таъолога ибодат қилишда шерик қилиш. Аллох таъоло деди: «Аллох ўзига шерик қилинишини кечирмайди. Ундан бошқа барча гуноҳларни, хоҳлаган бандаси учун кечиради». (Нисо:48). «Албатта Аллохга шерик қилган кишига, Аллох, жаннатни харом қилди ва унинг жойи жаханнамдир. Золимларнинг ёрдамчиси йўқдир». (Моида:72). Ширк икки қисмдир:

1- Катта ширк: Ислом миллатидан чиқаради. Бу ширкни қилган киши тавба қилмасдан Аллохга дуч келса, жахннамда мангу қолади.

2- Кичик ширк: Ислом миллатидан чиқармайди. Бу амални қилиб Аллохга дуч келган киши Аллохнинг хоҳишига ҳаволадир: хоҳласа афв этади, хоҳласа азоблайди.

✳ Иккинчи: Ўзи билан Аллох ўртасида воситачилар қилиб, уларга дуо, таваққул қилган ва улардан шафоат сўраган қимса, кофир бўлади. Чунки, Аллох билан махлук ўртасидаги восита фақатгина шариатни етказишда бўлади.

✳ Учинчи: Мушрикларни кофир ҳисобламаган ёки уларнинг кофир эканликларида шубҳа қилган ёки уларнинг йўллари ва оқимларини тўғри деб ҳисоблаган киши, исломни билмагани учун кофир бўлади.

✳ Тўртинчи: «Росулуллох саллоллоху алайҳи ва салламдан бошқа қимсаннинг йўли, Росулуллох саллоллоху алайҳи ва салламнинг йўлидан кўра мукамалроқ, ҳукми эса Росулуллох саллоллоху алайҳи ва салламнинг ҳукмидан кўра гўзалроқ» деб эътиқод қилган киши, кофирдир. Тоғутларнинг ҳамда қуръон ва суннат ҳукмларига зид бўлган ҳукмларни, Росулуллох саллоллоху алайҳи ва салламнинг ҳукмларидан афзал кўрган кишилар бунинг мисолидир. Аллох таъоло деди: «Аллох нозил қилган нарсалар билан ҳукм қилмаган кишилар, ўшалар кофирлардир». (Моида:44). «Йўқ, роббингизга қасамки улар ўрталарида содир бўлган қелишмовчиликлар учун сизни ҳакам қилиб, сиз қилган ҳукмдан қалбларида норозилик топмай, бутунлай бўйинсунмагунларича, мўмин бўла олмайдилар». (Нисо:65).

Одам «Аллохнинг ҳукмлари афзал» деб даъво қилсада, лекин, Аллохнинг ҳукмлари билан ҳукм қилмаса, кофир бўлади.

✳ Бешинчи: Росулуллох саллоллоху алайҳи ва саллам олиб келган таълимотларнинг баъзисини, гарчи ўзи амал қилсада, ёмон кўрган киши, кофир бўлади. Чунки, бундай амални қилган киши эътиқодан мунофиқ бўлиб, жахннамнинг тубида қолади.

✳ Олтинчи: Росулуллох саллоллоху алайҳи ва саллам олиб келган дин ва шу диндаги савоб ва жазолар устидан масҳара қилган киши, кофир бўлади. Аллох таъоло деди: «Айтинг: «сизлар Аллох, Аллохнинг оятлари ва пайгамбари устидан масҳара қиляпсизларми? (энди) узр айтманглар, иймон келтиргандан сўнг, кофир бўлдинглар!»». (Тавба:65-66).

* Еттинчи: Сехр. Сехр килган ёки сехр килишга рози бўлган киши кофир бўлади. Аллох таъоло деди: «у (икки фаришта) кимга таълим берсалар: «биз бир имтихонмиз, сен кофир бўлма» дер эдилар». (Бакара:102).

* Саккизинчи: Мусулмонларга карши душманларига ёрдам бериш куфрдир. Аллох таъоло деди: «кайси бирингиз мушрикларни дўст тутса, бас, у улардан биридир. Шубхасиз, Аллох золим-кофир халкларни хидоят килмайди». (Моида:51).

* Тўккизинчи: Баъзи одамларнинг Росулulloх саллоллоху алайхи ва саллам олиб келган шариатдан, Хизр алайхиссаломнинг Мусо саллоллоху алайхи ва салламнинг шариатидан чикканидек, чикиш хаклари бор, деб эътикод килган киши, кофир бўлади. Чунки, Аллох таъоло деди: «исломдан бошка динни талаб килган одамдан, килган амаллари кабул килинмас ва у охиратда зиёнкорлардандир» (Ол Имрон:85).

* Ўнинчи : Аллохнинг динидан юз ўгириш: уни ўрганмаслик ва унга амал килмаслик. Аллох таъоло деди: «Роббисининг оятлари эслатилган пайтда ундан воз кечган кишидан кўра золимок одам борми? Биз гунохкорлардан интиком оламиз». (Сажда:22). Юз ўгириш – кишини мусулмон киладиган даражада дин асосларин ўрганишдан воз кечишдир.

Мусулмон биродарим, сўзимизнинг сўнггида шуни айтмоқчиманки, бу бузувчи нарсаларни жиддий, хазиллашиб ёки кўркиб айтган кишилар ўртасида фарк йўқдир. Факатгина, бундан, мажбурланган кишиларгина мустаснодир. (юкорида эслатиб ўтганимиздек) бу ўнта бузувчи нарса энг хатарли ва мусулмонлар хаётида кўп содир бўлади. Шунинг учун хам мусулмон, булардан эҳтиёт бўлиши ва кўркиши керак. Аллох таъоло дан газабининг сабаблари ва аламли азобларидан панох сўраймиз. Омин.

Аллох таъоло пайгамбаримиз, унинг оиласи ва асхобларига салавот ва саломлар йўлласин.